

zu Wasser vnd zu Landt.

# Instruction auff Mu-

sterung / wie ein Beltherr dem Commis-  
sarien vnd anßgeber vber ein Regiment Teut-  
sches Kriegsvolck / auff die erste Munsterung  
abgefertigt / vnd was er thun  
vnd lassen solle.

**E**rstlich sol er sich auff verordneten Musterplatz / nemblich gegen  
N. vnd andern flecken darumb ligendt / verfügen: vnd zu seiner  
ankunfft gemeltes vnser Kriegsvolck globen vnd schweren  
lassen / vns Sechs Monat lang / vnd so lang wir ihren bedürf-  
fen werden / vermög ihrer Bestallung vnd Articuls Brieff dienen. doch  
vns vorbehalten / da wir zu jeder zeit vns für gut ansicht oder sehen  
würdt / vrlauben mögen. Ermelter Commissari / sol auch mit fleiß dar-  
an sein / daß jedes fenlein mit vierhundert personen / gerüster Landts-  
knecht / besetzt / er sol auch vnder jedem fenlein hundert vber solt / vnder  
die vom Adel / vnd andere ehrliche Kriegsleuthen außtheilen. Doch dz  
sie mit rüstungen darnach geschickt seindt / wie sich gepürt.

Item Sechs Herren gulden / vnd keinem zwehn Soldt machen / er  
seie dan mit harnisch gerüst / er sol niemant keinen Buben durch passie-  
ren lassen / er seie groß oder klein Hans / Dann außgenommen den Haupt-  
leuthen vnd fenrichen im ersten Bladt / vnd sein gut auffsehen haben /  
damit die fenlein mit guten Kriegsleuthen besetzt werden. Es sol  
auch gemelter Commissari alle Obristen vnd Hauptleuth vermanen /  
vnd beuehlen von vuserent wegen / bey ihrem vbergebenen Volck / dar-  
an zu sein vnd dahin halten daß sie ihre Wehren mit fleiß verwahren /  
wie sich gepürt. Er sol auch Grauen / Freiherren / so vnder dem Regi-  
ment sein werden mit ehrlichen besoldungen / in massen andern ehrlichen  
Kriegsleuthen halten / Doch keinem vber fünff oder sechs vber solt Mo-  
natlich p. ssieren lassen. Vnd ob ein ansehentlicher alter Hauptman vor-  
handen / für denselben mag er in die Acht Soldt folgen lassen / Er Com-  
missarius sol auch keinen munsteren oder durch passieren lassen / der vor-  
hin ein Meutremacher gewesen ist / oder sonst ein vnuertraglicher gast /  
oder sonst hader vnd zank sucht / Er sol auch keinen Verwundten oder  
Brancken / in der Munsterung passieren lassen / vnd von stundt an auß-  
thun / Er sol auch zum fleißigsten ein auffsiht haben / daß keiner auff ei-  
nes andern namen durchgehen / vñ so er dergleichē erkennen würdt /  
sol er